

DONOSTIAR JATORRA-RI

Donostiyako seme jatorra
 izkribalari bikaña,
 Euskal-erriya goitalchatutzen
 egiñ dezu zuk bik aña;
 zure luma da pare gabea
 egokiya ta liraña,
 ala berian sentzu argiya
 ta goñatiya mingaña,
 zoriondua izandu da gaur
 zure lanaren ordaña.

JOSÉ ARTOLA

*
 * *

IZKRIBATZALLE BIKAIÑA-RI

Zure liburu pare gabia
 ¿nola ez oraiñ goititu,
 donostiarrik jakintsuenak
 orri artian baditu?...
 Ondo egin dezu, mundu guziya
 orain dediyen arritu,
 ta esan dezaten: «ayen parerik
 ezin liteke arkitu».

Gaztia zera; buruz abilla;
 jakinduriyaz jantziya,
 jarraitu beti bide orreri,
 lendik desuna asiya;
 arri ditezen ur-bestekuak,
 eta *Europa* guziya...
 onratu dezan liburu orrek
 maite degun Donostiya.

RAMÓN GUEL BENZU

*
 * *

ERRIKOSHEME AZKARRA-RI

Merezi dezu eta
 zaituzte goitutzen
 nere lumak orduon
 bat dizu bigaltzen.

ROSARIO ARTOLA